

نومرو ۲ — ۲۴

نسخه سی ۲۰ پاره در



امور اداره و تحریریه و اعلانات و ساثره ایچون مدیر
مسئوله مراجعت ایدلیدر .

آبونه سی بر سنه لك اعتبارله ممالك عثمانیه ایچون
۱۵ و ممالك اجنبیه ایچون ۲۰ غروشددر .

محل اداره باب عالی جوارنده ابوالسمود جاده سنده
نجم استقبال مطبعه سی

شمذیلک اون بش کونده بر نشر اولنور

هرقای امتک مقالات متصوفانه لرینه جریده
صوفیه تک صحیفه لری آجیقدر .

تصوفی ، دینی ، سیاسی اخلاقی ، ادبی تورک جریده اسلامیه سیدر

عرض تشکر

قارئین کرامتک اثر همتلری ثمره سی اوله رقی غزته من ایلک
سال حیاتی اکیلا ایتدیکی مناسبتله همان بتون ولایتلردن دنیه لک
درجه ده تبریکی حاوی مکتوبلر و تافرافلر آلمقده یز . بونلرک هر
برلرینه جواب یازمق متمسک ، بلکه پک مشکل اوله جفندن محترم
قارئلرمنک عفو عالیلرینه مغروراً (غزته من) عهده سینه ترتب
ایدن وظیفه و مقابله دن هیچ بروقت کرو طورمیوب تشکرات
صوفیانه سی قارئلرینه عرض ایله افتخار ایلر .

معجزه

معجزه ، تعریف لغویسی اعتبارله پیغمبران عظام طرفندن
معارضلری عجز و تعجبه بر اقوب ایمانه کللرینی موجب اولان
احوال خارق العاده اولدیغنه کوره تدقیق و محاکمه سی عقل
واذعان بشر خارجنده عد ایدلک لازم کلور .

دیگر طرفدن ، أم عظیم الشانک عظمت و قدرتی ، هر شیئه
شامل و کائناتده کی بالجمله احوال و وقوعاتی آرزوی ربانیسی
وجهله تحویل و تنظیمه قادر ایهده - اساساً کائناتده موجب
وله و حیرتمز اولان بونجه قوانین ظاهریه طبیعی خارجنده
بر طاقم وقایع اظهارله عظمت الهمیه حقنده ترددی اولانلری
تصحیح افکاره دعوت ایلک شان اولوهیتله متناسب اوله میه جنی
جهتله - عادتاه اولدیغندن معجزه نکه ده بو حکمه تابع
اولسی ایجاب ایدر .

شواکی قضیه مهمه دینه احکامی - وهله اولاده یکدیگری
ناقص کی کورندیکندن طولایی - معجزات باهره جناب نبوی
حقنده بمض متصوفلر ایله متفنگلری معارضیه ، حتی مجادله یه قدر
سوق ایده کلکده در .

متصوف ، اساساً معجزه نکه خارق العاده لکندن بحثله قوه
مفکره نکه بوکی خصوصانک صورت وقوع و حصولی تدقیق
وادراکه غیر مقتدر اولدیغنی و متفنگن ایهسه کائناتده مکشوف
وهنوز مجهول اولان بالجمله وقوعاتک قوانین طبیعی و فنیه
خارجنده جریانی عادت اللهه مغایر اوله جفنی بیان ایله معجزه نکه ده
بو شرائطه تبعی طبیعی بولندیغنی ادعا و اکثریا هریکی طرف
نقطه نظرلرنده عناد و اصرار ایدرک آرده اصل موضوع بحث
اولان مسئله نکه کنه و حقیقی زائل اولور .

حال بوکه طرفین اعتدال دم ایله اجرای مناقشه و مباحثه
الزام و هرگونه سوء ذهاب و تلقیدن اجتناب ایتش و مسئله یی کمال
بی طرفی ایله تدقیق ایتش اولسملر وهله یکدیگرینی ناقص کی
کورینن شو ایکی قضیه مهمه نکه حقیقت حالده بر برینه مطابق
واحکام دینه و فنیه یه تماماً موافق بولندیغنه و انحق بعض مسائلده
تحدث ایدن اجتهاد فرقلرینک ، دساتیر فنیه نکه هنوز اومسائل
تدقیق و تبعه مساعد بر درجه کاله کله مامش و یا صور تطبیقیه سی
دوشونیه مامش اولسندن نشأت ایدلکینه مطلع اولورلر .

ایشته بورایه قدر وقوعبولان بیاناتک بر دلیلی اولمق اوزره
معجزات جناب پیغمبریدن برنی و مثلاً ک زیاده شایع واحکام
دینه و فنیه نقاط نظرندن اختلافی باعث اولان انشقاق قر حائثه
خارق العاده سی تدقیق و تبعه ایدلم :

جهله نکه معلومی اولدینی اوزره زمان سعادتده فخر کائنات
افندمن حضرتلرینک نبی باری اولدقلرینه دائر وقوع بولان
ادعای حقیقتجویانه لرینه معارض اولانلردن بمضاری طرفندن
قری ایکی پارچه یه آیرمق صورتیه بر معجزه اظهار و اولوجهله
نبوت حقنده کی ادعایرینی اثبات بیورملاری تکلیف اولنمش ایدی .
بونک اوزرینه ده انشقاق قر حادثه سی وقوعه کلش ایدی .

منتسبین فندن بمضاری قوانین ظاهریه فنیه یه عدم مطابقندن

طولانی بوخارقه فوق العاده بی خسوفه حل ایلک صورتیله تأویل و فنک ایجاباته توفیق ایتک ایستورلر ایسه ده بونظریه تمامیه باطل و حقیقت حاله مغایردر .

چونکه : مشاهیر سالفه ریاضیوندن « نوتون » ک جاذبه قانونی کشف ایتدیکی تاریخدن بوکونه قدر اجرام سماویه نك اوضاع و حرکاتی و کتله لری بیننده کی مناسبانی حقنده جاری دساتیر فیه الیوم بالعموم ارباب فنک مدار استنادی و کشفیات و تتبعات جدیده فیه نك اساسی در . قانون مذکور موجبجه « اجرام سماویه نك یکدیگری طرفندن درجه انجذابی ، آره لرنده کی مسافه نك مربعیله معکوساً و کتله لری حاصل ضربیله مبسوطاً متناسب در » اجرام سماویه نك ایسه فضا داخلنده جولان ایتدکاری مسلمانندن در . اشبو حرکات و تبدل مسافات طولایسیله و بالاده بیان اولنان جاذبه قانونی اقتضاسنجه اجرام سماویه آره سنده کی قوه جاذبه آن بآن تحوله دوچار و بعض اجرام ک قوه جاذبه سی دیگر . لرینک کی حکمدن اسقاط ایدر .

بناء علیه اویله بر آن ووضیعت تصور اولنه یلورکه قرك طرفینه و قریله خط واحد مستقیم اوزرینه مصادفایی جرمک قوه جاذبه سی کتله قرك قوه التصاقیه سنه غلبه وهر ایکی طرفندن قری جذب ایله ایکی پارچه یه شق ایدر . برمدت صکره اوضاعک تبدلی و مسافتک تحولی حسبیلله بو ایکی جرمک قوه جاذبه سنک او وضیعت خصوصیه ده کی شدتی زائل اوله رقی آیرلمش اولان پارچهلر بیننده کی قوه جاذبه دیگرلرینه غلبه و بوضورتله قری وضیعت اولیه سنه اعاده ایلر .

ادعاهزی تأییداً درمیان ایتدیکمز شو نظریه فیه نتایجی ، انشقاق قر معجزه سنک موازنه کائناتی ودها عمومی رتعبیر ایلله قوانین طبیعه علمی اخلاص ایتیه جک وجهله وقوعه کله بیله جکئی و - تدقیق و تبعه امکان بولنجه - هیچ بر وقتده احکام فیه نك احکام دینیه اسلامیه دن آیریه میه جفنی اثبات ایدر اعتقادنده یز .

خلوصی

حقیقی غنا یا خود استغنا

بغداد شهرینک بالیسی ، عباسیلرک خلیفه ثانسی اولان ابو جعفر منصور ، قدر معرفتی تقدیر ایلله اسلامده علوم و فنونک ترقیسنه خدمت ایدن ایلک پادشاهدر .

حرص مفرطی ملابس سیله و الیلردن ساقیمنه قدر حساب صور دیغندن « دوانیق » لقبیله شهرت بولمش ایدی .

شبهه احتراصنه طویلان التونلری حبس مدید جزاسنه محکوم ایتک

معتادی اولدیغندن اولدکن صکره خزینه سنندن دها طوغریسی زندان ادخارندن الی یوز میلیون درهمله یکر می الی میلیون دینار ظهور ایتمشدر .

پاره صرفنده ، کندیسنی خستله یاد ایتدیره جک قدر اثر امساک کوسترن « منصور دوانیق » انسان صرفنده غایت سماحتکارانه داورانیر ایدی .

دولت عباسیه نك مؤسسی اولان ابومسلم خراسانی ده منصورک بوساحتنه قربان اولان قیمتلی وجودلردن بریدر .

دوش سلطنت بار امتنانه متحمل اولدیغندن پادشاهلره پک بیوک ایلیک ایدنلرله پک بیوک فئالق ایدنلرک علی الاکثر عین جزایه اوغرا دقلری کورلمشدر . بومدعانک شواهد عیدیه سنندن بری ده ابومسلمک عاقبت فحیعه سیدر .

معلومدرکه ابومسلم امویلرک طقسان برسنه دن عبارت اولان حمل ثقیل سلطنتلرینی صوک خلیفه اموی مروان حمارک دوش خسرانیه یوکلهدوب وادی انقراضه طوغری سوق ایتمش ، ملوک امویه نك خزائن سامانی ده اوصره ده طبیعی ابو مسلمک ید ضبطنه کچمش ایدی .

تام خزینه سننده کی التونلرک طنین ارارمباسی عراقه قدر عکس ایدهرک منصورک سیکرلرینه فضله جه دوقونمش اوللی که همان ابومسلمه « بنم مالی حفظ ایدوب بکا کوندره سین ! » مضمونی حاوی بر امرنامه کوندرمش ایدی .

ابومسلم ، منصورک عایدلکدن بشقه برشیلله توصیف ایدیلهمین بومعامله سنی کورونجه دهشتلی رانکساره خیاله اوغرا دی عباسیلرک بیوک خلیفه سنندن صادر اولان بوکوچکلک انک علو جنبانه دوقوندی ، عزت نفسنی زده لهدی . احتمال که مظلم بر عاقبتک مظلم اندیشه لری قره بلوط کی اوانده دماغنده چوکدی .

خلیفه نك بوحرص عامیانه سی ابومسلمه پک کران کلدی ؛ فقط ابو مسلمک صیت اشتهاری خلیفه یه اندن چوق کران کلور ایدی . منصور ، کوندردیکی امرنامه نك ابومسلم اوزرنده حصوله کتیره جکی تاثیر تقدیر ایدمه جه قدر منصب ادر اکن معزول اولدیغندن ظاهرده ابو مسلمک کوکانی حقیقته کله سنی الملق ایچون کندیسنه غایت ملتفتانه بر دعوتنامه کوندردی .

ابومسلم دعوتنامه بی النجه خلیفه نك امرینه امتثالاً عراقه عودت ایتدی . منصورک کسدرمه یولدن تأمین وصول ایتک ایستدیکی مقصد ، فجاعتی نسبتنده الیم ، الیم اولدینی قدرده وخیم ایدی . چونکه ابومسلمک صیتی ارتق دنیایی طوتمش ایدی .

یمان برصیادک شبکه احتیالنه دوشن یچاره ابو مسلم ایلله صیادی امانی آره سننده برقاچ سوز تعاظی ایدلکدن صکره خطاب عتابه مبدل اولدی ، « دوانیق » نك سسی بردن بره